

Bes der Nubbel brennt

Pimock, Kölsche Mundart- und Karnevalsmusik - Homepage: www.pimock.de

Text: David Johannes Schneider - Musik: Marko Bocek, Christian Flossdorf, Sebastian Tribowski

Ich drage nor Kostüm. Ich han ming Pappnas an.
Ich drink nor Kölsch. Ich ess nor Flönz un aff un zo en Frikadell.
Ich schwad nor Dialek. Ich sing su lout ich kann.
Ich klopp die Trum. Ich blos die Trööt.
Ich bin en Ein-Mann-Saal-Kapell.

Ich schlofen nit ein Naach. Ich danz un danz un danz.
Ich danz em Jaffel, danz em Fröh, em Päffgen un em Chlodwig-Eck.
Ich han Kölsch em Blot, bestell mir noch ne Kranz.
Ich bruch kei Dope. Ich ben nor jeck.
Ming Ecstasy is Fettjebäck.

Kumm mir fiere bis zom Engk (Bes der Nubbel brennt)
Bes der Nubbel, bes der Nubbel,
Bes der Nubbel brennt (Bes der Nubbel brennt)
Bes der Nubbel, bes der Nubbel,
Bes der Nubbel brennt (Bes der Nubbel brennt)

Ich han ne Brill an. Ich han en Pürk op,
Ming jecke Mötz, die steiht mer joot. Ich han mit janix jet am Hot.
Ich mach mer keine Stress. Ich mach mer keine Kopp,
en minge Odre flüß nor Kölsch, leich verdönnt met Kölschem Blot.

Kumm mir fiere bis zom Engk ...

Kumm mir fiere bis zom Engk, bes der Morje uns trennt,
Bes zom letzte Jetränk, (Bes der Nubbel brennt)
Kumm mir fiere bis zom Engk, bes zom letzte Moment
Bes der Nubbel brennt (Bes der Nubbel brennt)

Bes der Nubbel, ...